

Sehlabelo sa kopanelo se laetša botlalo bja kgaugelo ya Modimo

Palo ya Beibele: Lefitiko 7:11-27 & 1 Samuele 1:21-28

Temanathero: 1 Samuele 1:24

Tabataba: Sehlabelo sa kopanelo se laetša botlalo bja kgaugelo ya Modimo

Mo therong ya Lefitiko 3 re thomile go bolela ka sehlabelo sa kopanelo. Lehono re badile go tšwa mo Lefitiko 7, yeo e bolelago gape ka sehlabelo sa kopanelo. Bjale ka ge re bone, bohlokwa bja sehlabelo sa kopanelo e be e le go keteka kopanelo magareng ga Modimo le motho. Go bolela ka botlalo: kopanelo magareng ga Modimo, monei wa ditshegofatšo, le motho yo a dirilego maekano. Mo therong ya Lefitiko 3, ke boletše ka mehlala e mebedi. Wa mathomo o be o bolela ka Hannah, mmago Samuele. Ka yena re badile lehonon, gomme ke a tshepa gore ke tšile go bolela ka botlalo ka yena. Hannah o ikanne go Modimo, o be a sa humane bana. Ge a le mo tabernakeleng, o dirile maekano go Modimo, gore ge Modimo a ka mo nea ngwana wa mošemane, o tšile go mo tliša mo tabernakeleng gore e be mohlanka wa gagwe. Gomme bjale ka ge re bala, ka kgonthe Modimo o theeditše Hannah, gomme a mo nea kgopelo ya gagwe. O mo neile morwa, gomme ka morago ga mengwaga e se mekae, ka morago ga go mo tshweša, o mo tlišitše mo tabernakeleng. Bjale, ge re bala mo Samuele wa mathomo, ga a mo tliše fela. O mo tlišitše a na le powana ya mengwaga e meraro, le seroto sa bopi (e ka ba e fetago dilitara tše e ka bago tše masome pedi) gomme a tliša le beine. Dilo tše o di tlišitše mo ngwakong wa Morena. Bjale dilo tše ke tšeo dila e tšwego mo molaong wa Moshe, bjale ka ge re badile mo Lefitiko, ka ga sehlabelo sa kopanelo. Bjale re ka ipotšiša, ge ba fihla mo tabernakeleng, dilo tše di be di tlišitšwe go Morena, ka lebaka le sehlabelo sa kopanelo. Karolo engwe e ile ya fišwa mo aletareng, gomme karolo engwe e a dirwa dijo gomme ba e abelana le baperisita. Gomme mmogo ba tumiša Morena, Monei wa ditshegofatšo, ka lebaka la gore o theeditše maekano a Hannah, gomme a mo nea morwa. Mmogo ba be ba thabile, ba thabetše Moreneng ka ngwakong wa gagwe tabernakeleng. Bjale ka ge re badile mo Lefitiko 7, se sengwe le se sengwe se swanetše ke go lewa ka letšatši le tee, goba morago ga letšatši le tee. Se e be e se ka lebaka la phepo fela, gomme le lebaka la gore e swanetše go ba mokete o mogolo le dijo di swanetše go ba tše di lekanego.

Gomme bjale se e be e le selo se bohlokwa mo go balsiraele, go ba le Modimo yo a phelago mo gare ga bona. Modimo o tšene tabernakeleng magareng ga batho ba gagwe. Gomme e be e le mošomo wa baperisita go hlokomela tumišo ya Morena tabernakeleng, go ya ka mo Modimo a ratago ka gona. Ka kgonthe, Modimo o laetše ka mo batho ba gagwe ba swanetšego go tliša dihlabele go yena, le gore ba swanetše go mo rapela bjang mo tabernakeleng. Se e be e le phapang mo go bantle ka mo ba bego ba rapela medingwana ya bona. Mohlomongwe o a gopola, mo therong ya mathomo ka dihlabele re boletše ka sehlogo se: phapang magareng ga sehlabelo sa motho wa go se dumele le ka mo Beibele e hlalošago dihlabele. Mokgwa wa bantle wa go tliša sehlabelo o bjalo ka theko magareng ga motho le modingwana wa gagwe. Ka moka ga bona ba lebelelane. Sehlabelo sa bantle se bjalo ka go šireletša mahlatsa a bophelo mo go yena. Go ka oketša se sehlabelo sa Beibele se lebeletše go tshepa Modimo yo a phelago. Dihlabele tša mo Beibeleng ga se theko ya Modimo, empa ke lebaka la tebogo.

Ke go kopantsha boteeng bja phapang ka gore re humana kganetšo ya go ja makhura goba madi, bjalo ka ge re badile mo Lefitiko 7. Tšea mohlala go nwewa ga madi. Ge bantle ba tliša sehlabelo go medinwana wa bona ka morago ga go bolaya phoofolo, ba be ba enwa madi a phoofolo yeo, ge madi a sa fiša. Ba be ba dumela gore ba humana maatla a phoofolo yeo mo mmeleng wa bona, ka lebaka leo ba oketša maatla a bona. Taetšo ye ka moka e beilwe godimo ga tumelo ya gore motho o širiletša bophelo bja gagwe – mohlomongwe, le bophelo bjo bo sa felego – mo go motho, ka go nwa madi, gomme ka lebaka leo a kgona go tšwela pele a na le maatla mo bophelong. Ke lebaka leo Lentšu la Modimo le ganetša gore madi a be bjalo ka modingwana o

šele. Go ya ka Beibele tumelo ye ga e na mohlodi. Madi a diphoofolo – goba madi a manaba a gago – a ka se go nee bophelo bjo bo sa felego. Go na le tsela e tee fela yeo o ka humanago bophelo bjo bo sa felego: gomme ke ka kgaugelo ya Modimo, Modimo yo a phelago! Ka lebaka leo Modimo o laetše batho ba gagwe – ge ba tliša dihlabelo – ba swanetša go lahla madi. Ba be ba ganetšwa go nwa madi. Ka lebaka le e be e hlalošwa – phapang – gore madi ga a na mohola. Go obamela Modimo ke yona tsela ya tšhegofatšo ya bokamoso.

Se se akaretša makhura. Bjalo ka madi, bantle ba be ba dumela gore maatla a bophelo bja phoofolo a be a le mo makhureng. Modimo le ga go le bjalo o be a ganetša batho ba gagwe go ja makhura, ba be ba swanetše go a bea godimo ga aletare.

Ka sehlabelo sa kopanelo re bale gore Hannah o tllile mo tabernakeleng a se na Samuele fela, empa a na le powana ye ka bago le mengwaga e meraro, le seroto sa bupi, le beine. Mo Lefitiko 3 re badile ka mo ba laetšwego go tliša sehlabelo mo aletareng. Sa mathomo o swanetše go bea letsogo la gago godimo ga hlogo ya phoofolo, e le sešupo sa go re phoofolo a bolawa le bakeng la gago. Bjalo ka ge phoofolo e lebišitšwe go Modimo ka sehlabelo, bjale o nyaka go tliša bophelo bja gago go yena. Gomme phoofolo e be e bolawa mo mojakong wa tabernakele. Gomme baperisita ba swanetše go gaša madi a phoofolo mo aletareng mahlakoreng ohle. Gomme setho sa phoofolo se be se bewa mo godimo ga aletare: ka moka tšeo dikhupeditšego ke makhura e le dikagare tša phoofolo. Bobedi dipsio le tša makhura kgauswi le diloine, le tšeo di khupeditšego sebete. Ditho tše ka moka di be di tlišwa pele ga Morena.

Mo lebakeng la gore thatathata sebete sa phoofolo se be se šomišwa ka mokgwa wa bohlokwa mo go bantle. Ba be ba šomiša sebete sa phoofolo go bala bokamoso bja bona. Bjalo ka matšatšing a lehono batho ba bangwe ba itira eke ba kgona go ka bona bokamoso go tšwa mo methalong ya letsogo la gago. Goba motho yo mongwe yo a yago go sangoma (ngaka), gomme sangoma se itira e ke se kgona go ka bona bokamoso ka ditaola tša gagwe, e ka ba ga o na mahlatse goba se sengwe. Ka tsela e bomodingwana bo be bo phethagatšwa matšatšing a kgale ka sebete sa phoofolo. Baperisita ba bantle ba be ba itira eke ba rutegile ka go ka bona bokamoso, ba bala molaetša go tšwa mo sebeteng sa phoofolo. Re bala mohlala mo pukung ya moporofota Hesechiele 21.26. E gona go bolelwa ka yona kgoši ya Babilona, yo a bego a ya ka mekgwa ye e fapanego ya phapolo: 'Gobane kgoši ya Babele e eme maaroganonga ditsela, mo go šimogago ditsela tše pedi tšeo, gore dinoge di mo nogele, go garagaswe mesebe, go botšišwe ditaola, go laolwe ka dibete.' Empa ditsela tše Modimo o be a di ganetša mo bathong ba gagwe. Dihlabelo tšeo a dilaetšego e be e le go ba kgahlanong le phapolo le gore di lebelele goba gona ka kgaugelo. Ga se ka lebaka la ditumelo, goba se sengwe seo o ka kgonago go širiletša bokamoso bja gago, goba o tla humana seo o se nyakago. Ke kgaugelo fela! Ge maikano a gago a arabilwe, ke ka lebaka la kgaugelo e e tšwago go Modimo. Gomme Hannah o lemogile seo. O tlišitše sehlabelo sa kopanelo, ge a boela tabernakeleng, go leboga Modimo. Gobane e be e le fela ka lebaka la kgaugelo ya gagwe gore maekano a gagwe a phethagaditšwe!

Go tloga mo Samuele o dutše tempeleng, go ba mohlanka wa Eli. Morago mo historing e re bala ka mo barwa ba Eli ba thomilego go tliša dihlabelo go Modimo ka tsela ya bantle, ba sa latele ditaelo tše di lego mo Lefitiko. Ba ile ba se theetše Modimo, gomme ra tseba go tšwa mo historing ba ile ba otlwa ka lebaka le. Empa go lebelela ka boteng, Samuele o ile a gola, a boifa Modimo, a latela ditaelo tša gagwe. E be e le yena ka morago yo a bego a tllile go tlotša kgoši Saulo: go obamela Modimo go phala dihlabelo. Ka kgonthe, Modimo o laetše ka lebaka le lebotse ka mokgwa o batho ba gagwe ba swanetšego go mo direla. E be e le Modimo yo a neilego Samuele go ba moporofeta go batho, go hlokomela batho ba gagwe gore ba mo dirile ka tsela ye e lokilego, go ba širiletša mo sehlabelong bohlokwa bja sona mo Lefitiko. E be e le kgaugelo ya gagwe. Gomme ka morago ga mengwagawaga, Modimo o neetše ka morwa wa gagwe, Jesu Kriste, gore e be sehlabelo ka boyena, gore a re pholose. Ka ge batho ba matšatšing ao ba be ba swanetše go ka hlokomela ditaelo le melao ya Moshe, gomme le mo dihlabelong, ka mokgwa wa

bohlale, le rena lehono re laelwa gore re be le tumelo mo go Jesu Kriste, le ka mokgwa o a re rutilago go direla Modimo Tate wa magodimong.

Amene.